



Stat. komp.

16987

1

Mag. St. Dr.


P

Clobuini Ioannis Oratio.

PANEG. et VITAE

Polen. 4^e

ME 1038.



AD ILLVSTRISS: AC RE-
VERENDISS: DOMINVM,
D. PETRVM TYLICKI
EPISCOPVM CRAC:
ac Ducem Seuerieñ. &c. &c.

ORATIO.

M. IOANNIS CLOBVCII REGII
Professoris, in Academia Cracouien.



CRACOVIAE,
In Officina Simonis Kempinij, A. D.

1607.

45.

16987 I



*M*ilitia, ornamenta refers, soleamq, crucemq,ue,
Infula quæ velat Pontificale decus,
Hæc equitem signat clavis natalibus ortum,
Hæc loquitur Christo nomina quod dederas.
Indicat illa ducem populi, fideiq, columnam,
Omnia quo vincis militiae decora.

ORATIO.

ET si magnitudinem animi tui, excelsamque altæ
 mentis indolem, nec beneuolis, amantium lau-
 dibus, maiorem, nec maleuolis detrahentium sermo-
 nibus, minorem, fieri posse, exploratissimum habeo:
 Vir tamen bonus, qualis tu publicis vocibus, & om-
 nium bonorum consensu, haberis & mereris, quam-
 uis parui pendat, quod laudatur, non tamen floccifa-
 cere debet, quod amatur. Nam si Aristoteli in omni
 doctrinæ genere summo, fidem nefas est abrogare:
 viri boni (inquit ille) coli, affici honore, & laudibus, *Ethic. C. 3.*
 cumulari, à prudentibus præsertim, & notis volunt,
 tum, ut virtutis illorum, orbis terrarum adhibeatur con-
 scijs, tum ut constet, diuerso monumentorum gene-
 re bonos ac malos, celebrari solere, illorum virtutes,
 ne sileantur, his ut ex posteritate, sit metus. Quid enim
 causæ fieret, cur gloria ac fama, viri quique optimi,
 & laudatissimi, ducerentur, nisi quod gaudeant, se ab
 obscuritate asseri, laboribusque ac piculis suis, amplif-
 simum præmium, tribui, famam publicam, ad poste-
 ros transituram, cuius, nisi memoriam quotidie in
 animo, recoquerent, nihil haberetur, quod in mor-
 talium factis, laudandum foret. Hinc est, quod mirum
 in modum assensio & laus, à minoribus etiam profe-
 cta, delectat, quia gaudent. omnes boni, vocibus ho-
 minum, suas virtutes commendari; facemque, ad splen-
 dorem vitæ quærendum, laudibus eloquentium, ac-
 cendi,

cendi, quæ cum aliis præluceat, ipsos etiam laudatos,
ab offensione custodiat. Quemadmodum enim fax,
assidua concussione, ignem tuetur; ita laus & prædi-
catio, viros bonos, ab omni labe ignominia & tur-
pitudinis, seruat incorruptos. Existimat enim quisq;
bonorum, verum decus in seipso, repositum esse de-
bere, tantumque in suam vitam splendoris, derivari-
quantum iudicio sapientum, industriæ suæ, ac virtu-
ti, fuerit tributum. Fælicissimus es hoc nomine Epi-
scoporum Optime ac laudatissime, quippe vni tibi
contigit, ex tot claris & illustribus viris, maiore ani-
mo, honestatis fructum in conscientia, quam in fama
reponere. Nam gloriam mereri, pulchrius omni glo-
ria ducis, benefacta que tua, siue in Ecclesiam, siue in
Rempub: sileri potius, quam laudari peroptas. Cer-
nis enim pro magnitudine iudicij tui, quod magnum
fuiſſet, in ipso opere & spectandum, in ore prædican-
tis sæpè vāescere. Homines enim cum rem destruere
non possunt, prædicationem eius incesunt. Diuini-
tus tibi est hæc fælicitas adiuncta, cuius dator est De-
us solis piis, vt veris bonis possis lætari, cætera vel fa-
stigia, vel ornamenta ad bonos iuxta ac malos, perti-
nentia, vt nunquā appetiſti, ita minimè miraris. Qua-
re qui vitam tuam de propinquo inspexerunt, nihil in
ea inuenire potuerūt, quod sibi fortuna vsurpare pos-
set, sola virtus domicilium in te laremque sibi locauit,
fortunæ nihil iuris relictū esse voluit. Facessat ad eos,
qui propter ignauiam, & molitiem animi, nisi illa sa-
lutarem

lutarem porrexisset dexteram, emergere haud potuissent. Tu tua industria, non poteras non floruisse, & in summas dignitates, huius florentissimi Regni creuisse. Tantum enim tibi praesidij à bonis artibus, & liberali institutione quaesivisti, quantum non solum sustinendo negotio quovis publico, sed etiam illustrando, sufficiat. Quis enim, acutiore ingenio, acriore iudicio, exactiore diligentia omnes litteras, etiam recoditas, ita ut tu, peruestigare potuit? Nihil est Latinorum scriptorum, quod non euolueris, legeris, excuseris, & cuius vix partem aliquam sub magnis Doctoribus alij discunt, ipse id totum, ex te Magistro, & qui dem in Polonia didicisti. Audiuimus te altiloquio tuo de litterarum studiis differentem, integras magnorum Oratorum sententias promentem, ad perfectum modum Latine loquentem, audiuimus autem praesenti ingenio, & faceto lepore solertem. Qui ardor, in litteras ab ineunte aetate susceptus, nisi ad haec usque tempora continuatus tibi fuisset, triclinia tua vocibus ebriorum potius, quam Doctorum sermonibus personarent. Verumenimvero arguit praesens dies, quibus rebus à pueritia studuisses. Ita enim ad hoc usque aetatis fuisti, ut omnes labores litteratos consuetos habeas. Qui quidem posteaquam te in medium protulerunt, noluit, more ignauorum intra natalium modum senescere (nec enim te virtus tua tam in altum misisset) sed magnorum virorum aemulatione accensus, ad omnem amplissimae fortunae cultum, magnitudinem

tudinem animi tui extendisti. Fuit inprimis tibi, tuo pudore, deinde etiam institutione disciplinaque parentum, prima illa ætas (quæ lubricas vias adolescentiæ ostendit, quibus insistere, aut ingredi, sine casu aliquo, aut prolapsione vix quisquam potuit) munita, atq; ab omnibus illecebris, egregiè custodita. Non tu animi molitie, cum inertibus, sed industria cum fortibus, non voluptatum illecebris, cum luxuriosis, sed continentia & pudore cum integerimis, non profusione cum decoctoribus, sed parsimonia cum frugibus hominibus, non fastu cum superbis, sed moderatione animi, cum modestis & mitibus, non asperitate morum cum barbaris, sed facilitate cum humanissimis, non sæuitia cum immanissimis, sed mansuetudine animi cum clemētissimis, non invidia cum ignavis, sed labore cum industriis ad verum decus contendisti. Nihil vulgare te dignum videri potest, qui toties ob stupefactis hominibus tui admiratione, confessionem non mediocris virtutis, extorsisti. Liceat modò mihi per modestiam insitam animo tuo singularem, tuæ virtutis progressum vsq; ad eam amplitudinem, quæ nunc in summo culmine locata, tantum ad sydera spectat, breui Oratione ostendere. Scio auribus tuis adulationū insuetis, nihil dari posse nec ego sum tam insolens in dicendo, vt omni ex genere Orationem aucuper, nec tua grauitas mole aliquid dici de se patitur. Nuda igitur & aperta expositione percurram omnia, quæ de te verissimè ab omnibus

bus pronunciantur, & plus laboris, quàm ingenij, quo non abundo, in tuis laudibus occupabo.

Ordiam autem ab ijs laudibus, ex quibus nihil sibi maiores tui, nihil posterì, nihil propinqui, aut amici, nihil deniq; fortuna, decerpere potest. Nam etsi vtile est ipsis Rebus publ: claras cōmendari familias, vt eo modo animus humanus, alti fastigij fiduciam gerens, res arduas aggrediēdas præsumat audacius, agat confidentius, perficiat fælicius, tamen aures tuæ, iam pridem, ad eiusmodi laudes occaluēre, tanquam à tuæ vitæ professione, & à vera sapientia alienissimas. Quis enim non accedet veritati, externa bona nusquā alias dici bona posse, nisi cū illis benè vtimur? Quod si in virtutis ministeria minimè transeunt, sed illi obstrepunt potius, eiusque vim labefactant, perniciēs meræ & pestes sapientissimis viris authoribus esse solent. Quorum iudicio nunquam tu tuum antepone-re voluisti, sed quicquid laudis, ex ingenij cultu, & melioribus literis tibi quæsiuisti, id omnibus imaginibus sapientissimè præfers. Nam si tuum sensum ad vulgi opinionem accomodare voluisses, ostentare poteras, illustria nobilitatis maiorū tuorum decora, addidisses etiam multò plura industrię tuę & ingenij magnitudine parta, sed non fuisset sapientię tuæ, qua multos mortales superasti, ab externis, & nō diu mansuris bonis (si modo bona dici possunt, quibus multa mala sunt adiuncta & quæ deterrimis etiam contingunt) ornamenta vitæ nunquam intermoritura petere.

tere. Nemo enim adhuc factus est clarior, fortia facta maiorum suorum memorando, sed ea agendo & aggrediendo; semperque gloriosius habitum est nobilitatem sibi peperisse, quam acceptam à maioribus corrupisse, quod tamen frequenter hominibus, multarum imaginum, accidere solet. Nam quos in maiorum suorum vestigijs stare oportebat, illi sæpenumero deflectūt, & grauius offendunt, lumenq; illud gloriæ maiorum, quod neq; bona illorum, neq; mala in occulto esse patitur, sæpenumero vitijs inumbrant, & corrumpunt: tu acceptam à maioribus tuis nobilitatem, tua virtute adeò illustrasti, vt tenebras nequaquam habere queat. Debes maioribus tuis ortus tui splendorem, sed illum tu factis tuis æternum facis, parentes tibi vitam dederunt, tu illis reddis nominis immortalitatem, illi te quibus poterant ornamentis (nec enim omnibus poterant) cumulârunt, tu illis te exornasti, quæ nec relinqui à parentibus, nec testamento legari possunt. Verè enim nobilitatis viâ esse duxisti, non tam imaginibus quàm famę viribus adiuuari. Nam qui ab ineunte ætate ijs te imbueris studijs quibus ad omne decus fingi animus solet, non poteras non in maximarum rerum cursu esse omninoque magnis rebus gerendis florere. Præsidij enim illis te adolescentem munivisti, quibus ad summam dignitatem, quasi quibusdam gradibus ascenditur. Lumen illud omnium gentium, atque omnis memorię clarissimum Ioannes Zamoscus, cuius magnum

gnum nomen semper fuit, magna authoritas, magna
in omni genere bellorum gloria, quanti te fecerit, po-
steaquam vno obtutu te totum, perlustrauit. Quan-
topere industria tua & laboribus ad gloriam suam to-
gatam augendam, & amplificandam, adiutus sepè fu-
erit, quam ex animo tuis honoribus fauerit, quod iu-
dicium de te habuerit, quod testimonium, dignitati
tuę in facie & corona Reipub. dederit, notius est; quā
vt à me cōmemorari debeat. Cuius viri de te sensum
omnibus alijs ornamētis, antepondere soles. An enim
poterat vir tantus, tam præclarè de Repub: meritis,
dissimilem sui & amare & commendare? cuius ani-
mum à recti & honesti tramite, longe difficilior fuis-
set, quàm solem à cursu reuocare. Sed vidit ille suspi-
cienda in te plurima, probitatem, integritatem, gra-
uitatem, virtutem, fidem, constantiam, ceterasque
egregias dotes, tam raras tamque admirabiles, vt sine
alijs fortunę adiumentis possent miraculum videri.
Vidit, inquam, facundam linguę eloquentiam, mo-
rum incorruptam suauitatem, in prouidendis rebus
consilium, in exequendis dexteritatem, in omnibus
moderationem, integritatem, equitatem. Vidit vt
vno verbo dicam, summa, perfecta, absoluta, suis nu-
meris omnia consummata. Quando enim tu aliqua re,
parum te digna transuersus actus es? Quando te for-
tunę quantumuis magnę corruppendum dedisti?
Semper teipsum in tua potestate habuisti, semper te,
tuamque fortunam rexisti, non fastu, neq; superbia,

sed fama & factis insignibus notescere studuisti, non
simulatione honestatis, sed ingenuo animi candore,
preire ceteris equalibus, voluisti. Quę virtutes adeo
sunt in aula rare, vt citius contraria omnia reperi-
as. Vectus ergo es, curru virtutum tuarum, in Regum
palatia, secum spes magnificas portans, at quas istas?
patientiam, laborem, industriam, vigilantiam, con-
stantiam: paratus officium, studium, fidem, prin-
cipibus viris probare meminisse loci, expectationis,
eorumque omnium quę ad claritatem nominis iter
monstrant. Et quę sollicitudo paucos tenet anxios,
ea tibi somnum adimebat. Non enim vultu sed inge-
nio, non virtutum specie, sed ipsis virtutibus viam ad
honores tibi munire studuisti: eos vero, qui pro virtu-
tibus luxuriam, atq; auaritam, habent, qui diuitias lau-
dant, sequuntur inertiam, qui domi voluptatibus, in
aula gratię seruiunt, tanquam tineas & sorices aulicos
relinquēdos suo ingenio existimasti. Solent enim ijs
artibus tueri honores quibus illos pepererunt. Quip-
pe à cęca fortuna promoti, cęci & ipsi fiunt, aſſorti-
tateque armati redduntur nocētiore. Tum demum
honores viros arguunt & produūt. Quod si adolescen-
tia quę etas maxime procliuis est ad iniurias, & vehe-
mentissimis cupiditatibus vrgetur, acta cuique in la-
boribus, sudoribus, ac periculis exercita esset, ijsque
dedita studijs, quibus ad verum decus animi excolun-
tur, quis desideraret in aulis viros tui similes, quis in-
uideret virtuti, quis non ageret pro virili, vt domi in-
dustria,

dustria, foris iusto imperio, ex paruo hoc Regno magnum redderet, sed alios animus in consulendo parum liber, alios libidini delictoque obnoxius transuersum agit, quo sit ut in vacuam Rempublicam: sæpè impetus fiat, interituque virorum, mores etiam laudati intereant. Quorum huc usque quis fuit adstrictior author, quam tu? Quotusquisque inuentus est, qui optimam quamque causam Reipublice: magis est amplexus? qui bonorum consensui accederet, qui veram solidamque laudem quæreretur, atque illa dignitatis aulicæ fundamenta in oculis gereret, quæ tuenda, vel capitibus periculo sunt; Religionis integritatem, magistratuum potestatem, Senatus authoritatem, leges, morem maiorum, iudicia iurisdictionem, fidem, quæ quoties aliqua temporum iniuria perturbantur, toties in Republica: omnia miscentur, locoque mouentur. Quarum rerum patrocinium, nemo maiore animo, maiore ingenio, maiore virtute, atque constantia suscepit, nemo in his stabiliendis dexteritate versatus est maiore. Quando enim tu in aula magis cum fortuna principis, quam cum ipso? Quando quæ honesta aut utilia cum ipsum Regno, essent dissimulasti? Quando ut plus diuitiarum quam gloriæ haberes magis studio habuisti? Quando plus vera consilia valuerunt, quam te duce? Profecto enim omnia Regna, omnes Respublicæ, omnes ciuitates, usque adeo prosperum habent imperium, dum vera consilia valent, ubique cunque gratia, timor, voluptas ea corruperent, breui

post secuta rerum conuersio, imperiis finem imposuit. Quam beati in terris Reges forent, si illis, exclusis superbis, viros mansuetudinis & misericordię cultores in curia assessores, habere liceret. Quibus virtutibus, ita te benigna natura beauit, vt verissimę quę Themistocli olim à Gręcis sunt tributa in te deriuentur. Firmissimo in primis naturę robore præditus, tu opte ingenio, præsentium & improuisarum rerum breuissima deliberatione egregius es æstimator, celeriter quę opus sunt inuenis, in rerum delectu nemo te oculatior, neque ex temporali in rebus necessarijs vsu, te quisquam superauit. Quid enim vnquam magnum sine te gestum? Cuius in arduis & subitis Reipub. negotiis sæpius industria est probata? Quis fidelius de prouisis monuit? Quis præcauit solertius? cum etiam ipsi casus non duces, sed comites consiliorum tuorum fuerint. An ingenium, diligentiam quisquam in te deiderauit? Quod enim est officium, quod munus, quod negotium tibi vnquam commissum, in quo non extent cum sapientiæ, tum bonitatis tuę ac humanitatis cum animi, tum consilij expressa vestigia? Quę alios libri docent in vmbra & otio, ea tu agendo didicisti, quę alij legere, audire quę solent, eorū partem vidisti, partem ipsemet gessisti, quę alios literę, ea te res ipsę docuerunt: Alios fortuna ipsorum extulit, te illustrauit tuus labor atque industria: alij ad honores, multorum patrociniis, gratia opibus, vsi sunt, te euexit tuum ingenium, ac singularis

gularis in rebus agendis dexteritas, alijs aliena merita
præsidio fuerunt, tu tuis viribus tuo quæ Marte quan-
tus nunc es, tantus es effectus. Eludant nunc, qui vi-
res suas in turbido nunquam sunt experti, in quos in-
clinatio communium temporum haud incubuit, cō-
ferant tua gesta suis, non modo non iactabunt sua,
sed admirabuntur tua. Verumenimuerò est huius se-
culi labes quædam, virtuti inuidere, ipsumque florem
crescentis dignitatis liuore animi perurere, nec recēs
sed antiqua est hæc pestis, quā in Fabio Maximo per-
strinxerat Scipio maior; cum orienti gloriæ suæ obi-
cem poneret. Illud (inquit) nec tibi in me, nec mihi
in minores natu animi sit Q. Fabi, vt nolimus quen-
quam nostri similem, euadere ciuem. Id enim non
eorum modo quibus inuiderimus, sed Reipub: &
penè omnis generis humani detrimētum sit. Ita enim
ferè accidit inuidis, vt sua vice neglecta alienam valde
sint solliciti, quorum tu impetum solita virtutum tu-
arum fælicitate non solùm sustinuiſti, sed etiam con-
triuisti. Namq; vbi maiora te officia exceperunt, & ex
alijs alia, dum te parem vident, succumbunt ipsi suo
oneri, & inuidiam in admirationem vertunt, virtutis-
que disciplinam non alibi pleniorē, & vberiorē,
quā in tui imitatione sibi, propositam esse cupiunt.
Macte hac industrię gloria, qua consecutus es, vt ne-
mo te aspiat, quin recreetur, nemo mentionem tui
faciat, quin summis simul te laudibus ornet, audire
de te omnes cupiunt, cum te intuentur, tanquam au-

spitium bonum & faustum videre se letantur. Et quæ
res tandem efficere valuisset, quod bonitas effecit?
Nec immerito: Expressior quippe imago viri boni,
vereque nobilis, qui nec ira ardeat, nec flagret ambi-
tione, nec ferueat auaritia, nec luxuria molliter dif-
fluat, nec otio & ignauia langueat, nec artes bonas
contemnat, in alio nullo melius, quàm in te describi
potest. Hac tempestate enim parum serij hominis hæ
virtutes esse existimantur, qua illa demum est vita, illa
secunda fortuna, nihil agere, domi desidere, foris in-
eptire, bonas horas male collocare, totos dies & ma-
gnam noctium partem, potando & voluptuando con-
sumere, quasi pessimis artibus vacare, id demum sit
aulicum esse. In te artem vnam egregie mirabilem
semper visam quod per viam publicam nunquam
ambulaueris, neque vulgus hominum in vitæ rati-
onibus, sed illos potissimum tibi delegeris imitan-
dos, qui generis claritatem, splendore virtutum au-
gerent, qui nomini responderent, qui ad omnia in-
tenti agerent, qui cum alij dormiunt, vigilarent, age-
rent, deliberarent, & seipso etiam vincerent, certan-
do officijs, studijs, laboribus, vt pro virili Reip: pro-
desse. Hunc cursum vitæ aulicæ cum semper tenu-
eris, ideo nunquam offendisti secutiq: sunt honores
merita tua, non ambitioni cesserunt, cum etiam con-
gestis, à sapientissimo & optimo Principe, sæpè resti-
tisses. Iam te prouidentia Dei Opt: Max: in intimam
Principis amicitiam prouexerat, iam te in medium
protule-

protulerat ingenij vigor, iam dotes tuæ in lucem se
extulerant, iam fama tua latè patebat, cum tu non
modo responderes nomini, sed multa etiam supra
expectationem faceres. Fælicitas est Reip: cum amici
principis sunt boni sancti, & venerabiles, non factio-
si, non callidi, non ad malum consentientes, non bo-
norum inimici, non libidinosi, non crudeles, nō cir-
cumuentores principis sui, non irrisores, non dispo-
sitionum ipsius mercatores, non deceptores, non fu-
mum de ipso vendentes, sed ipsius existimationem
amantes, non aliud quam respondetur referrentes,
non principem claudentes, & ante omnia agentes, ne
quid sciat Qui enim cōtrarium agunt, frugi non sunt,
& principes suos sæpenumero in discrimen conijci-
unt, quibus præ oculis habendum est Thurini suppli-
cium, ab Alexandro seuero editum. Te harum ma-
cularum nulla attigit, nulla in mores tuos irrepsit,
nulla tibi adhæsit, omnem in partem tua virtus sem-
per se probauit. Id enim solū habere rationem du-
cis, quod haberet iustitiam, quod te deceret, quod te
non indignum esset, ideo nunquam ab huius integri-
tatis gloria deficis, ideo Principi inprimis charus es,
ideo tibi se credit, tibi intimos recessus, animi sui ape-
rit, se totum, tibi recludit. Quia arcana mira scis ce-
lare fide, atq; hac laude Persas in antiquitate laudatif-
simos quorum vocem, neque metus, neq; spes elicie-
bat, vincis. Non enim illi rem magnam posse sustine-
ri ab eo credunt cui tacere graue sit quod homini fa-
cillimum

Lampr: in Se-
uero.

Curtius lib. 4.

cillimum esse voluerit natura. Tam raram igitur tam-
que necessariam virtutem, in aulam tuo exemplo re-
uocasti, gloriamque silentij, qua stant magna fastigia,
omnibus aulae sectatoribus egregie commendasti. Le-
gisti enim illud de principe Philosophorum Aristote-
le, qui cum Calystenem discipulum ac propinquum
suum, ad Regem Alexandrum mitteret inter multa,
quae eum docuit hoc praecipue imperauit, ut quam
rarissime ac iucunde apud eum loqueretur, qui ne-
cis vitaeque potestatem in acie linguae haberet. Op-
portuni etenim silentij maior solet esse laus, quam
intempestivae orationis, praesertim vero apud princi-
pes, quorum difficile est aures nisi maxime serijs oc-
cupare. Quod tibi promptissimum effectum fuisse, ar-
gumentum, tot annorum in aula ministerium, eui-
dens praebet. Quam enim aegre ex sinu ipsius sis dimissus
toties, retentum tibi Procancellariatus amplissimum
munus, protestatur, quod nunquam mature dimis-
surus fuisses, nisi diutius, te recreato quam fracto sa-
pientissimus Rex uti voluisset. In quo quidem mu-
nere, cum tanta dignitate es versatus, ut nemo Ocie-
scios aut Zamoscios decora illa Regni posset requi-
rere. Est enim in te ingenium, ratio litteratura, me-
moria, cogitatio, diligentia, est eloquentia, non illa
Castrensis, sed polita, culta, copiosa, & exundans.
Nihil apparet in te nisi ingenuum, nisi moderatum, ac
graue, quae figillatim homines commendant, in te gre-
gatim vniuersa concurrunt. Deum imprimis times,
Princi-

Principem reuerenter habes, eius maiestatem præ oculis fers, amplitudinem vero, studio, officio, consilio, fide, sustentas, Rempub. pietate summa complecteris, virtutes magnificas, vitia detestaris, leges verò, iura patriæ, morem maiorum ita tenes, ita in omni antiquitate, ac in omni historia, es versat⁹, vt paucos habebas similes, parem neminem. Nolo commemorare seueritatem iudiciorum tuorum, non possum gravitatem illius confessus assequi litteris. Quanta ibi religio æquitatis, quanta legum reuerentia, tam assiduus in tribunali fuisti, vt labore refici non vinci molestia viderere. Iam quanta facilitas in audiendo, quantum acumen, in discernendo, quanta æquitas in decernendo, quanta diligentia in exequendo, veteris memoriæ illos iudices, Sulpitios, Sceuolas, Papinianos, forum in Polonia tum egisse, crederes. Cum pro Tribunali sedisti velut numen salutare, missum sibi cælitus, afflicti, & in barathrum litium coniecti homines ad iniuriarum suarum vel modum, vel finem statuendum, existimauerunt. Tui præsentis aspectu oculos suos faciare non potuerunt, absentem iisdem oculis quesiu-
erunt, à te vultum non dimouerunt, tuo ore, Deum de suis causis pronunciare, putauerunt, Nemo enim vnquã ad iudicium instructior venisse, nemo illud vigilantius obijisse, æquius Tribunali præsedisse creditus est. Equidem magna iudicum pars, tum se posse plurimum existimant, cum quod volūt, vel nō quod ius, & æquitas suadeat decernunt, tu non quid posses, sed

C

quod

quod tibi à Lege, à Rege, à Deo, impositum fuit tecū
agitasti, ideoque nec generis, nec opum ratione habi-
ta pauperibus iuxta, ac diuitibus, ius dixisti, non ho-
minum, sed causarum totus fuisti, causidicos, à litibus
trahendis, & ducendis, in breuia coëgisti, formularios
ad quæstum iudicia peruercentes, & illuc, vnde vtilitas
ostenditur, æquū transferrentes, summa authoritate
coërcuisti, abususque omnes sustulisti. Hæc est toga-
ta tua laus, quæ te suprà bellatorū, & imperatorū om-
nium famam est euectura. Quanto enim iustitia mili-
tari fortitudine est sublimior & augustior, tanto ad-
ministri ipsius superāt belli duces, & imperatores. Nā
si vnquam euenisset salutare, (vt Alexander Seuerus di-
cere solebat) breui militibus nihil opus foret. Quip-
pè pacis etiam ipsum nomen delectat, & res est saluta-
ris: fortitudinis autem in pace nulla est necessitas. Iac-
tent ergo alij rabida bella, cruentas animositates, fu-
nereas victorias, ostentent titulos ex calamitate mor-
taliū quæritos, te cum Aristide iusti & viri boni co-
gnomen magis illustrabit, & in ore famæ, in honore
hominum collocabit, posteritatiq̃ue commendabit.
Nonne enim (si fallacia tegmina auferamus à rebus)
ad memoriam nominis sempiternam plus momenti
habet plures seruauisse quam occisione delesse. Fera-
lis & in humana est iactantia potuisse seruare quos per-
dideris, nisi fortitudo quàm clementia magis humani
sit affectus, aut ditionis pomeria proferre, quàm op-
timis & honestissimis studijs, incorruptis moribus, pa-
triam locu-

triam locupletare conuenientius habeatur. Id enim si
ita esset Agamnenon Regum sapientissimus, parum
sano consilio Vlissēm Aiaci, Nestorem, omnibus alijs
suis bellatoribus prætulisset. Pyrrhus itē Epyrotarum
Rex imprudēter Cineæ Thesalo, propter eloquentiā
tantum apud se concessisset. Verumenimuerō vide-
runt hi Principes, cætera omnia facta hominum, licet
sint præclara, fortunæ accepta ferrenda esse, nisi inge-
nio, industria, virtute, comendantur. Namque ut in-
quit Horat: Vis consilii expers mole ruit sua. Quamo-
brem non immerito in omnibus bene institutis Re-
bus pub: primus, semper talibus viris, ad amplissimos
honores aditus patuit, magnoque in precio habiti, ac
in partem curarum à Principibus vocati, perfecērunt,
ne moles & magnitudo imperij illis esset onerosa.
Clara sunt exempla, suffecerit in hoc Regno vnū sed
notissimum Petrus Tilicius, qui Procancellarius tan-
ti Regis tantique Regni, summa, media, & infima au-
læ ita excussit, ut neque vsu exercitatiores, neque na-
tura acutiores, neque varietate promptiores, hæc æ-
tas, (cedat inuidia virtuti) habeat. Quoties cum ad-
miratione audiuerē te externi, nomine Principis re-
spondentem, atque ita respondentem, ut nec super-
flueret, nec nutaret, nec arefceret oratio. Sed hoc in-
genij, illud iudicij, te ita in omnibus dictis & factis
decorum vidisse, ut nihil vnquam ausus esset, vel ini-
micus carpere. Suscepisti iter in Sueciam, cum Sere-
nissimo Rege, nihil veritus pericula quæ ibi paraban-

tur iminentibus autē, nōne singulari prudentia, dexte-
ritate, acumine obuiam iuisti? Nonne sapientissimē
illam maculam quę inueteratura erat, in populi Polo-
ni nomine, deleuisti? Nota sunt cætera tuę laudis. Est
equidem Procancellarius in Regno, vt ratio & mēs in
anima. illius est consultare, deliberare, Principis autē
iubere, Partes priores abundē impleuisti, experimen-
tisq; multis ostendisti, capacior ne sit gratiæ Principis,
qui fidelius, an qui speciosius, negotia aulę gubernet.
Nam ceteris muneribus summa cum laude, & incre-
dibili approbatione omnium hominum perfunctum,
atq; maiorum etiā capacem, nec minorem futurum,
equissimus meritorum arbiter, Rex sapientissimus ad
Senatoriam dignitatem, delata tibi principe in Regno
Cathe dra, prouexit cuius sui iudicii, quo supra cete-
ros mortales abundat, vt semper cepit ita in dies capit
fructum maximū. Namq; bonus & prudens Senator
est, possessio omnium vtilissima, & Rege dignissima.
Nisi enim virjes consilijs sustententur concidant mo-
le sua necesse est: vt præualida corpora ab externis cau-
sis tuta licet, suis tamen ipsa viribus onerantur, sic im-
peria quamuis contra externam vim præualida, & in-
conculsa, sua tamē mole ruinā sunt tractura, nisi mul-
torum optimatum, consilijs fulciantur. Quo fit vt qui
multis præsumt, in partem curarum multos assumant
oportet, cum nec ubiq; esse, propter imperij amplitu-
dinem, nec cum omnibus versari, propter maiestatem,
queant, optimeq; cum illis agitur, si ex multis egregiē
infinibus

in signibus ac optimis vnū consilij corpus, quasi vnū
hominem constituent, qui multiplici memoria, ac in-
genio polleat, oculis pluribus cernat, operetur mani-
bus multis, & pedibus penè infinitis nitatur. Nam quo
viris erit plenior Curia, eò contra immentia instructi-
or, quo vigilantior, eò Resp: securior, quo candidior,
experientior, eò Princeps in decernendo expeditior.
Profecto enim amplissimum est Senatoriū munus, &
plenum periculosissimæ alex, cardines rerū & negoti-
orum omniū Regni, hoc nomē complectitur, Rectis
siquidē consilijs, & sapienti Senatu sublato, quasi Rei-
pub: concusis fundamentis, omnia stirpitus conuelli
necesse fuerit. Requiritur autem maximè in Senato-
re futuro, Sapientia, Fides, & Iustitia, sine quibus pro-
desse Reipub: nihil, nocere autem plurimum posset.
Est enim potestas sine iustitia armata malitia, quæ eo
rectior esse solet, quo plus virium ex calliditate acqui-
siuit. In te nihil alienum, optimo Senatore cadere po-
test, qui sapientiā dulcore bonitatis temperaueris, qui
in suadendo, nec inuidiā, nec amore, nec odio duce-
ris, nec pertinaciter sententiam vrges, nec in Curiam
ita multitudine ac vi argumentorum, armatus venis,
vt cōtra sentiētes tanquā hostes adoriaris, nec turpe
ducis alienum suffragium, si modò à rationibus Rei-
pub: seiunctum non est, tuo antepone, nec opini-
onē opinione, vt clauum clauo trudas, sed vt optimus
gubernator cum portum difficile est tenere, ventis ob-
sequeris, ac vela dum tempestas postulat, remittis, in

limine Senatus odium & gratiam deponis, ea; tantū
intueris, quæ vel ad immortalis Dei cultū, vel ad Rei-
pub: commoda pertinent: Confilium tibi non in eo
stat, quod cōducere possit, sed præcipua rerum ad fa-
mā dirigis. Tenes de optimatibus probatam Cice-
roni sententiam. Sunt enim illi Principes consilij pu-
blici, maximorum ordinū homines, quibus patet cu-
ria, qui neq; nocentes esse debent, nec natura impro-
bi, nec furiosi, nec malis domesticis impediti, quibus
propositum esse debet, id quod est præstantissimum
maximèque optabile, omnibus sanis, bonis, & beatis
cum dignitate otium. Hoc enim qui volunt Opti-
mates, qui efficiunt summi viri & cōseruatores Reip:
putantur. Quod munus adeò augustum & maiestatis
plenum illi optimè implent, qui Rēpub: vniuersam
omnes ipsius vires, partes, ordjnes, socios, milites, æ-
rarium, statuta, decreta, consuetudines maiorum, ita
tenent, vt ne minima quidē res Regni illos fugiat, qui
patrociniū earum rerum, sine quibus salua tranquillitas
publica esse nequit susceperunt, magnasq; animi &
ingenij opes huc contulerunt. Qui porrò hæc oppu-
gnant ac ea quæ dicunt quæque faciunt multitudini iu-
cunda esse volunt populares vocantur, contra quos
enitendum est omni scientia ac diligētia optimatibus,
vt conseruata Reipub: capere otij portum, & trāquilli-
tatis queāt. Maioribus enim semper copijs oppugna-
tur Respub: quā defenditur, propterea quod auda-
ces homines, ipsi sua sponte contra Rempub: incitā-
tur.

tur. Propugnatores autem Reip: qui esse voluerunt, si leuiiores sunt desciscunt, si timidiiores desunt, permanent illi soli quos neq; periculi metus, neq; popularis aura, potuit à proposito Reipub: tuendæ dimouere. Harum rerum tot ac tantarum nemo maiore animo defensionem te ipso suscepit, nemo plus admirationis sibi in illis propugnandis quæsiuit. Nunquā enim à rebus leuissimis pepēdisti, nunquā legibus patriæ, mori maiorū defuisti, nunquā in partes transijisti, sed liberè & cādide in omni consilio versatus es dignitatēq; Senatoriā, vt in historijs Theopompus quondā Thelearchiā clariorem tua integritate, & fide reddidisti. Non enim te quicquam latet, quod Ecclesię, patrię, Regno, expediat, quod & te illustret & illis proffit, tenes officium tuum atq; ita tenes, vt neq; dexteritatē in agendo, nec prudentiā in prouidēdo, nec solertiam in efficiendo quisquā requirat Perpeffionē laborum, & molestiarum, pro Repub: quis viliorē vnquā habuit? cuius humeris onera grauiora incubuerūt? Quis in difficillimis rebus optatum exitum sēpius inuenit? Quis minús se ab inuidia cum Respub: posceret subduxit? Mittò quòd in omni negotio publico ita verofaris quasi rationē redditurus, quòd id satagis, ne ordo euerfione, libertas seruitute mutetur, quòd equitatē tuam multa humanitate cōmendas, quod honestissimum quenq; in precio habeas, quod ita à minoribus, amaris vt simul quoque à Principibus diligare. Pleriq; enī dum verentur, ne gratiæ parum inferuisse videantur.

videantur, sinistram famam consequuntur; tu illibata
laude omnia publica negotia tractasti, plenam indul-
gentiâ Optimi Regis expertus, nunquâ in obliquû
abripi te siuisti. Nimirum tenes memoria, quæ in du-
odecim tabulis de optimo Senatore prodita fuerê. Ex
magistratibus Senatus esto. Eius decreta rata sunt. Is
ordo vitio vacato. Ceteris specimen esto. Causas po-
puli teneto. Quæcunq; in populo, quæcunq; in patri-
bus agentur, modica sunt. Quid horum in te requi-
ritur? Magistratibus ante amplissimam hanc dignita-
tê, multis es perfunctus, iudicijs Regni diu præfuiisti,
nô solum crimine sed etiam suspicionem criminis sem-
per vacasti, exemplis bonis Curiam locupletasti, quod
autê maximum est causas populi & Rempub: ita ad-
vnguê cognitam habes, ut statim promere queas, quâ-
tum habeat præsidij, quid valeat erario, quos socios
habeat, quos amicos, quos inimicos, qua quisq; sit le-
ge, conditione, federe: in sententia autem dicenda,
adeo es sufficiens, ut si Respub: poscat, diem dicendo
tollere posses. Nunquam te à curis laxasti, ut in vitia
intenderes animum, nunquâ molestijs victus, in otium
te soluisti. Tantus es Senator, quo meliorem haud
scio an historiæ contineant. Nulla est res quam non &
prudencia regere, & autoritate tueri, & virtute con-
ficere posses. Cadunt in te summa quævis exēpla, nec
magistratus iste, quem geris, parum ex te ornamentum,
sibi quæsiuit. Duxit te ad eum capessêdum non fortu-
na sed dignitas tua. Ita te in omni gradu egisti, ut fa-
mam

mam iam antè multis rebus præclarè gestis quæsitam, cumulares. Non infulsisti in eam dignitatē per ambitionem, sed oblatam in præmium laborum & meritum, ut cāpum de patria benè merendi haberes patentiorē, suscepisti. Hęc summa voti tui semper fuit, ut Reipub: prodesse, illius rationes à tuis rationibus seiunctas non putares, obesses autem nemini, contrauenires nemini, nisi Reipu: causam oppuganti. An cupidior est quisquam, hunc locum maiestati, & authoritati suę restituere? An quispiam magis elaborauit, ut cōstaret Principi reuerētia, legibus authoritas, libertas bonis, metus malis. Optimus quisque vir, & ciuis sequitur iudicium tuum, tibi que omnes Reipub: studio deuincti, nauant suam operam, te ut quendam diuinum hominem in oculis habent. Certare enim gloria Reipub: bene gestę cum quouis antiquorum potes, circumstant te summę authoritates, quę te obliuisci tuę laudis non patiuntur. Nulum te signum, nulla pictura, posteritati ita cōmendabit, ut ea quę pro Repub: fecisti, facis, & es facturus. Non enim valde carē æstimas, otium & quietem tuam priuatam, ut in commune prosis, nec periculum tuum Reipub: periculo antehabes, non succumbis succumbentibus, flectis iudicium tuum pro usu temporum, & in omni negotio prudentię tuę vestigia relinquis; ita verò de existimatione tua laboras, ut nunquàm inuidis cesseris. Longè enim ab his rebus quę integritatis famam lēdunt es alienissimus. Iure

D

igitur

igitur flores,iure summus haberis ,iure gloriã multò
sudore collectam,illẽsam retines.Quippẽ in virum te
iam pridem, multus vsus, multa prudentia, varia &
perpolita sapientia transcripsit.Inuidia ergo, quẽ il-
lustrium virorum facta laniat,infrã tuam magnitudi-
nem iacet, neq; te à cursu tuẽ constantis & perpetuẽ
erga Remp: voluntatis, reuocabit , prẽterita acta tua
de futuris fidem dabunt. Nouerat te olim aula obse-
quio, & diligentia plusquam aulicum, cognouit nũc
Curia, prudentia, & fide plusquam Senatorẽ, Eccle-
siã, verò quibus præsedisti, vigilantia, & bonitate, plus
quàm Episcopũ, nec aliud sibi de te Cracouien: quẽ
te sibi iam pridem voto elegit, persuadere potest. Eras
enim iam in omnium hominum consensu Episcopus
Crac: antequam te futurum in animum tuum indu-
xisses, te loci istius maiestatem, solum sustinere posse
passim voces publicẽ, quẽ vim oraculi habent, loque-
bãtur: te hoc nomine, hac ætate, hac auctoritate, om-
nia vero Episcopo digna cogitaturum, facturum, per-
fecturum, vna omniũ stat sententia. Nouerunt te om-
nes verissimum in dictis, simplicissimũ in vita, & mo-
ribus, candidissimum in consuetudine, omni laude
dignissimum in factis, cautissimum in dictis, religio-
nis Zelatorem maximum, pietatis cultorẽ eximium,
Ecclesiã propugnatorem strenuum, & litterarum, ac
litteratorum virorum Patronum beneficentissimum,
sub tantò capite membra vigore nunquam carebunt,
sub tantò Pastore, lupis in gregẽ nihil licebit, sub tan-
tò Patre

tò Patre nulla dies erit beneficio vacua. Suscepisti enim cū Episcopatu bene faciendi prouinciam, & quidem non viliori hominis parti, sed illi, quę diuinę aure particeps est, quę sola tua merita cęlo applicabit. In ea enī tanta vigilātia, tantaq; sollicitudine versaris, vt id vnum agas, ne de grege tibi commissio, quantulacunq; ouium periculū (pari quippē precio redēptę omnes) adeat: Nihil est tibi antiquius, quā lapsis succurere, iacentes erigere, errantes in viam ducere, sollicitos ad æquitatē animi hortari, mæstos solari, cadētibus manū supponere, periclitantibus salutē dare. Nemo desiderat in affectu commiserationem, in aditu facilitatem, in congressu affabilitatem, in colloquio benignitatem, & solatium, in authoritate pręsidium, obuius es & expositus adeuntibus, clemens supplicantibus, facilis & non renuens petētibus, domus tua pauperū est asilum indigentium portus, diē perdidisse te existimas, qua nō aliquid sanctum, piū, grauē, te dignum facias, solent homines te, vt imaginē quandā priscorū Episcoporum aspicere, apparet in incessu grauitas, nullus horror in vultu, nulla tristitia, seueritati adiuncta comitas, insectaris vitia, nō homines: nec castigas errātes sed emendas, arguis non vt sęuias, sed vt emēdes corripis nō vt prosterne, sed vt in vestigijs melius stare facias, quę tua cęlo recepta mens, dabit in posteritate, de virtutum splendore nitorem. Nam reliqua tuā vita, multis erit monumentis ad omnem memoriam cōmendata, semper tuam bonitatem, grauitatē,

cōstantiam omnium mortalium fama celebrabit. Iam
enī tibi inpresens reuerentia tāta, quāta summis dori-
bus tuis & diuinis propè virtutibus debetur. Animad-
uerter sequens ætas te in operibus tuis omnibus non
honori sed exemplo, non præsenti aurē sed futurē im-
mortalitati seruiuisse, inanē vmbra & sine honore no-
mē te fugisse. Nō enim in externo cultu, & magnificen-
tia veri Episcopi laudem, sed in conscientia sanctē piē
religiosē factorum, quē tibi vnica cura, ideoque ad po-
steros itura, posuisti. Habes antē oculos imaginem E-
piscopi ab ipso Apostolo, elaboratam eam intueris
quotidiē, vt sis irreprehensibilis, sobrius, ornatus, pru-
dens, pudicus, doctōr, hospitalis benignus, iustus cō-
tinens, modestus. Diebus & noctibus, nihil aliud agis,
nihil loqueris, nihil audis, nisi quod pietatem cōmē-
det, in sacra lectione totum tempus, quod à negotiis
est liberum, consumis, hac te recreas ac reficis, ab ea
doctior redis, in id incumbis, ne quid te quod ad am-
plissimi istius muneris administrationem spectet, late-
at, iuris diuini & humani scientissimos tecum habes,
eorum consuetudinem magnificas, turpē putas, nō ex-
ploratum esse tibi eū, cui vicem tuam delegaueris, do-
mui autem tuæ ita præes, vt audeat delinquere, spe te
celandi, nemo. Quis enim te cōsideratior? quis tecti-
or? quis prudentior? Nota tibi tuorum probitas, in-
tegritas, virtus, fides, nota sunt omnia, nihil te fugit,
probas cuiusq; mores antequam illum in consuetu-
dinem, recipias, totum perlustras ac excutis, qua di-
ligen-

līgētia cēterorum, laudibus obscuritatem affers. Iam
quis satis cōsequi laudibus potest illa domus tuæ de-
cora, in victu frugailitatem, in cultu moderationem, in
promissis fidem, in factis & dictis candorem. Hæc tu-
um nomen multis rebus antè clarum magis, ac ma-
gis illustrant, hæc te ab obliuione asserunt, quamuis
tu in his nec famæ, nec opinioni, sed conscientiæ ser-
uias. Multi enim hac tempestate famam, pauci con-
scientiā verentur. Inter cēteras porrò heroicas virtu-
tes tuas beneficētia & liberalitas videntur tibi diuinit?
esse ad illustrandā amplitudinē nominis tui concessæ
quæ à humanitate ductæ maximè humanum affe-
ctum repræsentant & arguunt, ad eosque propriè per-
tinent, quos fortuna benignius aspexit, vt non solum
velint, sed etiam possint benefacere, sentiunt paupe-
rum Xenodochia tuā largam manum, sentiunt men-
dicantium ordines, ac ex omnibus præcipuè litterarū
studiosi quorum copiam cum in externis Acade-
miis tum in hac nostra, cuius dignissimum Cancellari-
um agis: foues, ac sumptibus tuis omni liberaliori
doctrina perpolitos, in vsum Ecclesiæ & Reipub: pro-
mis. Probè enim exploratum habes, nulli tam statim
clarum ingenium concessum, vt subinde possit emer-
gere, nisi ei materia, occasio fautor etiam atque com-
mendator contingat, ideo ingenia promoues fulcis,
erigis ac extollis, eoque itinere ad immortalitatē ten-
dis. Viuunt enim viuentque semper, atq; etiā in me-
moria & sermone eorum, quos è tenebris in lucem

protulisti, beneficia tua, latius versabuntur. Neq; enim homini ab homine maius dari potest humanitate; literis, sapientia, quod cum tu facis magno impendio tuo, cogita, quantum iam ad memoriam hominum sempiternam monumentum excitaueris. Profectò enim alia beneficia tam diu sunt grata, quam diu illis fruimur, hoc nulla obliuio delere ex animis potest. Est enim natura sic cōparatum, vt antiquiora beneficia subuertat, nisi illa posterioribus cumules, sed huic beneficio, quo homines ad vsum rationis excoluntur, nulla finem allatura est ætas. Hoc nomine & foris es clarus & domi admirandus. Nam cætera operum magnificentia, demolitur vetustas, obscurat obliuio, carpit posteritas, hoc ipsa vetustate reuirescit & robur acquirit. Namq; qui mirè concupiscunt, bonos iuuenes ostendere foro, assignare famæ, illudque habent animi, vt velint quæq; sui similem euadere ciuē, & idè ingenia refouent, vt sint qui in Rēp: dignè succedere & in eorum munera crescere queant, hi memoriam sui viuis in monumentis posteritati relinquunt, viuuntq; in his, quos opera, studio, & impensa sua Rep: dignos ciues fecerunt. Peculiare hoc est bonum ingenij tui, & multis exemplis cognitum, atque etiam probatum. Quod optima spe nos implet te Cancellariatum tuum, summam nimirum, ad amplificanda & ornanda studia à sacra sede datam potestatem, cōuersurum, confidimus te clauum in omnibus conferendis Academicis honoribus tenente, litteras spiritum

ritum & sanguinem recepturas, ad eumq; statum per-
uenturas, quem voto quisq; optat doctrinarum amās.
Nam qui eas ita diligis, vt nullum tempus de illis co-
gitandi relinquas, quī poteris vberriam hāc laudis
materiā, diuinitus tibi oblatam, ex qua tibi nomen in
æternitate mansurum efflorescet, negligere, ac contē-
nere. Tanta te iam ex alijs rebus præclare, pro Eccle-
sia, & Repub: gestis notitia inuasit, vt licet in extre-
ma mergaris, ac penitus recondaris, tenebras tamen
habere non possis. Quod si partem aliquam curæ ad
Academiā ornandam deriuaueris, illa te non minus
illustrauerit, quam reliqua omnia antea tua quibus
tibi veram & solidam gloriam peperisti. Creuisti in
hoc munus Academicum, non ætatis, quam virtutis
robore firmior, magnum exemplum alijs, qui te se-
quentur daturus, ingentiaq; animi bona atque illam
indolem qua totius Regni negotia cum memorabili
laude tenuisti, in excitandis & erigendis, ac fouendis
bonis ingenijs, consumpturus. Vnde tibi ipsi glorio-
sa solatia, Ecclesiæ & Reipub: digni gubernatores cō-
tingere possunt. Quem quidem tuum satis ex se inflā-
matum animum Deus Opt: Max: confirmet & auge-
at. & quæ Ecclesiæ, patriæ, Academiæ, cogitas ad optatū
finem deducat, & ad perficiendum, tantum virium,
vitæ incolumitatis, & felicitatis largiri dignetur, vt de
tuis operibus futuris, ad laudem suam deriuandis, ea-
dem diuina mens possit letari. Quibus quidem votis
& tuis & nostris, annuat idem Deus Opt: Max.


F I N I S.

BIBLIOTHA. UNIV.



JAGIELLOŃSKA

Biblioteka Jagiellońska



stdr0009766

